

Elgger-Chorus Blues

Bampa ba ba, Ba bampa ba ba

Mir sind am End vo eusem Programm und singed eu jetzt no zum Schluss, so fetzig jung und glich nöd z'langsam, das isch de Elgger-Chorus Blues.

Mir wänd eu danke für's Erschiene, ihr sind für eus gsi super Gescht, drum lueget s'nöchscht Jahr wieder ine, es git für eu es Mega-Fäscht.

Das isch de Elgger-Chorus Blues, das isch de Elgger-Chorus Blues, simmer alli da, dänn bluesed mir zum Schluss de Elgger-Chorus Blues.

Bampa ba ba, Ba bampa ba ba

Doch bliebed bitte nochli sitze, de Abig isch so jung wie mir.

E luschtigs Tänzli bringt dich z'schwitzte, villicht au s'Fraueli nöch bi dir.

Und wenns grad still isch muesch guet lose, en schöne Blues stimmt eine a, das Hüenerhuut häsch a de Hose, en Kafi-Schnaps muesch du denn haa.

Das isch de Elgger-Chorus Blues, das isch de Elgger-Chorus Blues, simmer alli da, dänn bluesed mir zum Schluss de Elgger-Chorus Blues.

Bampa ba ba, Ba bampa ba ba

Und dänn gaht's hei zue mit em Schätzli, es Nachbar Bier no vor em Huus.

Im Ohr da klingt dir no es Sätzli, es isch de Elgger-Chorus Blues.

De Chor us Elgg de hät de Plausch gha, doch jedes Fäscht gaht au mal z'End, en Alpebitter müemer no ha, wenn mir de Blues a stimme wänd.

Das isch de Elgger-Chorus Blues, das isch de Elgger-Chorus Blues, simmer alli da, dänn bluesed mir zum Schluss de Elgger-Chorus Blues.

(langsam) *Simmer alli da, dänn bluesed mir zum Schluss de*

(schnell) *Elgger-Chorus Blues.*